



Elle Sofe dánsu ieš čájálmasas ovttas árbevirolaš dánsejeddjiin Semen Bolshunov, gii lea Ruošša beale Sámis eret. Preassagovva

## Jorggáhallasan sámi vuogi mielde

**Sámi dánsejeddji ja koreográfa Elle Sofe Henriksen lea ráhkadan dánsunčájálmasa man vuodđun leat sámi lihkestagat ja dánsun.**

Koreográfa Elle Sofe Henriksen, gii lea Guovdageainnus eret, lea ožžon erenoamáš vuogas vejolašvuoda ráhkadit rahpančájálmasa riikkaidgaskasaš álgoálbmotmediaid konferánsii mii dollo Guovdageainnus, World Indigenous Television Broadcasting Conference, njukčamánu loahpas. Dán konferánsa lágida NRK Sápmi ja sii leat ge dingon Elle Sofe Henriksena ráhkadit čájálmasa vasedin daidda doaluide.

### Sámi lihkestagat

Čájálmassii, maid lea gohčodan «Jorggáhallasan», lea Elle Sofe guorahallasan ja jearahallasan sámi dánsu ja lihkestagaid birra. Son lea earret eará guorahallasan mo lihka-husat dáhpáhuve lestadíanalaš čoakkalmasain dolin. Musihkka dán lea odas dán bihttái ja dan lea dahkan dovddus artista Wimme Saari.

Bihttá čájehuvvo vuosttaš gearde Guovdageainnus njukčamánu

27. beaivvi LES-viesus. Ovdal váldočájálmasa čájehit filmmažiid čájálmasa ráhkkananbargguin. Mediaolbmot miehtá máilmmi leat vuosttažat geat besset oaidnit bihtá. Mediakonferánsii, gos čájálmasa vuohččan čájehuvvo, bohtet miehtá máilmmi álgoálbmotmediaid ovddasteaddjit.

Bihttá čájehuvvo beassásvahkku Guovdageainnus ja maŋnel maid dái Ruošša beale Sámi gilis, Lujávris.



Sámi dánsejeddji ja koreográfa Elle Sofe Henriksen Vuorkágovva

**DÁLKI**

15.3 ☉ 22.3 ●  
30.3 ☉ 6.4 ○

KÁRÁŠJOHKA	ÁLTÁ	AVVIL	DIVTASVUODNA
Maŋnebárga 13.3.... 1 ☀️ ➡️	Maŋnebárga 13.3.... 2 ☀️ ➡️	Maŋnebárga 13.3....-1 ☀️ ➡️	Maŋnebárga 13.3.... 1 ☀️ ➡️
Gaskavahkku 14.3.... 2 ☀️ ➡️	Gaskavahkku 14.3.... 2 ☀️ ➡️	Gaskavahkku 14.3.... 0 ☀️ ➡️	Gaskavahkku 14.3.... 1 ☀️ ➡️
GUOVDAEAINNUS	DEATNU/OHCEJOHKA	HEAHTTÁ	JÁHKAMÁHKKE
Maŋnebárga 13.3....-2 ☀️ ➡️	Maŋnebárga 13.3.... 0 ☀️ ➡️	Maŋnebárga 13.3....-3 ☀️ ➡️	Maŋnebárga 13.3....-2 ☀️ ➡️
Gaskavahkku 14.3....-2 ☀️ ➡️	Gaskavahkku 14.3.... 1 ☀️ ➡️	Gaskavahkku 14.3....-2 ☀️ ➡️	Gaskavahkku 14.3....-2 ☀️ ➡️
PORSÁNGU	ČÁHCESUOLU	ROMSA	GÁRESAVVON
Maŋnebárga 13.3.... 2 ☀️ ➡️	Maŋnebárga 13.3.... 2 ☁️ ➡️	Maŋnebárga 13.3.... 3 ☁️ ➡️	Maŋnebárga 13.3....-2 ☀️ ➡️
Gaskavahkku 14.3.... 2 ☀️ ➡️	Gaskavahkku 14.3.... 2 ☀️ ➡️	Gaskavahkku 14.3.... 1 ☀️ ➡️	Gaskavahkku 14.3....-1 ☀️ ➡️